

IZVJEŠTAJ
o realizaciji strateških i drugih projekata iz ekonomskog sektora
za period 01.01.2018.-31.12.2018. godine

Prema Odluci o osnivanju i djelokrugu Jedinственog općinskog organa uprave Općine Bosanska Krupa, projekte ekonomskog sektora provode i prate tri organizacione jedinice, i to: Služba za upravljanje razvojem; Služba za obrt, poljoprivredu i poduzetništvo i Služba za komunalne djelatnosti, vode, zaštitu okoliša i inspeksijske poslove. Svaka organizaciona jedinica uradila je Plan rada za 2018. godinu i Izveštaj o radu za 2018. godinu u skladu sa PPVI procedurama. Kako bi se dobio godišnji izvještaj o realizaciji projekata ekonomskog sektora, valjalo je iz pojedinačnih izvještaja ove tri službe i Izvještaja o ostvarenju godišnjeg plana implementacije Strategije integriranog razvoja Općine Bosanska Krupa za 2018. godinu izdvojiti dio koji se odnosi na projekte iz ekonomskog sektora i objediniti ih u jedinstven izvještaj.

Što se tiče strateških projekata, Planom implementacije Strategije razvoja općine Bosanska Krupa (1+2) za period 2018-2020. godina, u sektoru ekonomskog razvoja za 2018. godinu planirano je 6 projekata, od kojih su 4 realizovana u planiranoj fazi iz prethodne godine a 2 su u toku realizacije. Za realizaciju projekata iz ovog sektora je planirano 3.466.168 KM a izdvojeno je 3.092.119 KM što je 89% od planiranog. U ovom sektoru sredstva koja su namijenjena za realizaciju projekata su bila realizirana iz općinskog budžeta 777.640 KM (79%) te iz eksternih izvora 2.314.480 KM (94%).

U toku 2018. godine, pored planiranih projekata, realizirana su i 4 nova projekta koja doprinose ispunjenju strateških i sektorskih ciljeva, tako da je za realizaciju projekata iz ekonomskog sektora izdvojeno ukupno 6.097.077 KM što u odnosu na planirana sredstva iznosi 156%. Od toga, iz općinskog budžeta je izdvojeno 2.766.716 KM (45%) te iz eksternih izvora 3.330.361 KM (55%). Ovako visok procent realizacije u odnosu na planirano se pojavio iz razloga što je Općina Bosanska Krupa iz kreditnih sredstava izdvojila dio na projekte koji su kao novi uključeni u realizaciju tokom 2018. godine i projekat rekonstrukcije i izgradnje putne infrastrukture na koju je utrošeno 2.490.530 KM. Tokom izvještajnog perioda realizirano je djelimično ili u potpunosti 9 projekata i to podrška poljoprivredi (podsticaji), Projekat "ILO" (Povećanje konkurentnosti radne snage na području općine Bosanska Krupa), nastavak izgradnje infrastrukture poslovne zone "Pilana" u okviru projekta "Izgradnja infrastrukture poslovnih zona", Integrisana socio-ekonomska podrška žrtvama mina u BiH, izgradnja pijace u Bosanskoj Otoci, kao i dodatna 4 projekta koji nisu bili planirana Planom implementacije strategije (Rekonstrukcija i asfaltiranje lokalne putne mreže, BFC certificiranje, dovršetak izgradnje PŠ Pištaline, zamjena stolarije u PŠ Veliki Badić). Od ukupno realiziranih 6.097.077 KM za realizaciju planiranih projekata je utrošeno 3.092.119 KM te dodatnih 3.004.957 KM za četiri projekta koji su realizirana u izvještajnom periodu a nisu bila planirana.


Tabelarni pregled stanja realizacije strateških projekata u 2018. godini

Veza sa strateškim i sektorskim ciljem i programom	Projektat /mjera	Status projekta (u toku, završen, prolongiran, otkazan, zaustavljen)	Ostvareni rezultat	Plan za 2018	Izvori finansiranja			Sektor
					Budžet Općine	Eksterni izvori	Ukupno	
SC1/SEC1.1	1.1.1.1. Projektat: Izgradnja infrastrukture poslovnih zona (2017-2020)	realiziran	1. MEG –Nasatavak radova na završetku interne saobraćajnice PZ Pilana(408m) – 201.109 KM 2. Nabavka zemljišta za proširenje PZ Pilana – 389.330 KM 3. Rušenje objekata u PZ Vatretni mlin – 101.739 KM	850.000	546.176	146.002	692.178	ES
SC1/SEC1.1	1.1.1.5. Program poticaja obrtima i srodnim djelatnostima	u toku	objavljen javni poziv, nije bilo finansijske realizacije	80.000	0	0	0	ES
SC1/SEC1.2	1.2.1.1. Projektat: Povećanje konkurentnosti radne snage na području općine Bosanska Krupa-ILO (2017-2018)	u toku	Poboljšani tehnički kapaciteti MSŠ za edukaciju i prekvalifikaciju zavarivača; 52 polaznika uspješno završila program obuke	268.000	32.861	254.696	287.557	ES
SC1/SEC1.3	1.3.1.1. Program podrške razvoju poljoprivrede (2017-2020)	realiziran	Izrađen Pravilnik o kriterijima za izbor korisnika podsticaja za poljoprivrednu proizvodnju i isplata poticaja	2.130.000	175.813	1.851.604	2.027.416	ES
SC1/SEC1.3	1.3.1.2. Izgradnja pijace i parkirališta u Bosanskoj Otoci	realiziran	Asfaltirana parking površina i formirana pojaca na otvorenom	75.968	22.790	53.178	75.968	ES
SC1/SEC1.3	1.3.1.3. Projektat ekonomsko osnaživanje žrtava mina i njihovih porodica	realiziran	Pokrenuta dva projekta ASB i WOLD VISION, realizovane sve aktivnosti, za iznos prikazanih sredstava u 2018. nabavljena planirana oprema i alati za samozapošljavanje	62.200	0	9.000	9.000	ES
				3.466.168	777.640	2.314.480	3.092.119	


Projekti koji su realizirani u 2018. godini a nisu planirani Planom implementacije 2018-2020

Veza sa strateškim i sektorskim ciljem i programom	Projekat /mjera	Status projekta (u toku, završen, prolongiran, otkazan, zaustavljen)	Ostvareni rezultat	Plan za 2018	Izvori finansiranja			Sektor
					Budžet Općine	Eksterni izvori	Ukupno	
S.C. 4.	BFC certifikat- Unapređenje poslovnog okruženja i poslovne infrastrukture	novi	Izvršena preliminarna procjena općine	0	15.400	0	15.400	ES
SC1/SEC1.3	Rekonstrukcija i asfaltiranje lokalne putne mreže	novi	Izvršena rekonstrukcija i asfaltiranje putne mreže u dužini od 16,7 km	0	1.924.649	565.881	2.490.530	ES
SC1/SC1.2.	Dovršetak izgradnje objekta OŠ Pištaline	novi	Završeni radovi na objektu škole	0	35.054	450.000	485.054	ES
SC1/SC1.2.	Izvođenje radova na zamjeni stolarije PŠ Veliki Badić	novi	Zamjena stolarije	0	13.973	0	13.973	ES
					1.989.076	1.015.881	3.004.957	


	Plan za 2018	Budžet Općine	Eksterni izvori	Ukupno	
Strateški projekti planirani Planom implementacije strategije razvoja općine za 2018. godinu	3.466.168	777.640	2.314.480	3.092.119	
Realizirani projekti koji nisu bili planirani za 2018. godinu a doprinose ispunjenju strateških i sektorskih ciljeva	0	1.989.076	1.015.881	3.004.957	
UKUPNO REALIZIRANO U EKONOMSKOM SEKTORU	3.466.168	2.766.716	3.330.361	6.097.076	



Graf 1. Realizacija strateških projekata prema izvorima finansiranja



Graf 2. Projekti koji su realizirani u 2018. godini a nisu planirani Planom implementacije 2018-2020



Graf 3. Ukupno projekti iz ekonomskog sektora

Ekonomski razvoj

Sektorski cilj 1.1. Poboljšano poslovno okruženje na području općine do 2020. godine, nastavljena je realizacija projekata za ostvarenje ovog cilja i to u pogledu stvaranja uslova za unapređenje poslovnog okruženja, odnosno privlačenja novih investicija uspostavljanjem poslovne zone i usklađivanja rada administracije sa zahtjevima BFC standarda, zatim usklađivanja ponude radne snage sa potrebama lokalne privrede (Projekat ILO- završen proces prekvalifikacije i edukacije 54 nezaposlenih za zanimanje zavarivač te certificiranje 46 zavarivača – potrebnih lokalnom tržištu rada). Tokom 2018. godine se nastavlja sa daljnjim unapređenjem poslovnog okruženja, tako što su usvojene Izmjene i dopune regulacionog plana "Industrijska zona", kao i proširenje Poslovne zone "Pilana" kupovinom dodatne površine za nove poslovne subjekte unutar iste. Završeno je i asfaltiranje interne komunikacije u PZ Pilana.

Sektorski cilj 1.2. Osigurano prilagođavanje znanja i vještina potrebama tržišta rada i lokalnog razvoja do 2020. godine – Nastavlja se obrazovanje kadra za CNC operatere i CNC programere uz podršku Savjetodavnog vijeća Mješovite srednje škole, Privrednog vijeća i Općine Bosanska Krupa u okviru nastavnog procesa u Mješovitoj srednjoj školi "Safet Krupić" Bosanska Krupa.

Sektorski cilj 1.3. Povećan plasman poljoprivrednih proizvoda na tržište do 2020. godine – Realiziran je Pravilnik o vrsti, kriterijima i načinu ostvarivanja prava na novčane podrške u primarnoj poljoprivrednoj proizvodnji za 2018. godinu. Kako se Pravilnik donosi na godišnjem nivou u okviru prethodno planiranih budžetskih sredstava, stepen realizacije planiranih podsticaja je bio 97% za poljoprivredne proizvođače. Kod proizvodnje mlijeka nivo je ostao isti. Proizvodnja povrća u plastenicima je povećana, nivo proizvodnje krastavaca ostao je isti, dok je kod proizvodnje maline osjetno smanjenje. Razlog ovakvoj situaciji je migracija stanovništva i odlazak u druge zemlje iz ekonomskih ili drugih razloga, čime se uočljivo smanjuje broj poljoprivrednih proizvođača. Negativan uticaj imalo je uvođenje limita od 6.000,00 KM/godišnje na novčane podrške za proizvođače koji nisu registrovali djelatnost po zakonu o obrtu i srodnim djelatnostima, izmjene uslova za novčane podrške u toku same proizvodnje, izmjene pravilnika kao i komplikovane procedure za apliciranje zbog čega nerijetko proizvođači odustaju od podnošenja zahtjeva. Interes za korištenjem poljoprivrednog zemljišta u vlasništvu države se smanjuje. Sjetvene površine na području općine su manje u odnosu na prethodne godine i broj objavljenih djelatnosti i radnji fizičkih i pravnih lica je veći u odnosu na broj prijavljenih.

Aktivnosti proizašle iz strateških i drugih programskih dokumenata – ekonomski sektor

R.br.	Projekat	Organizaciona jedinica	Realizirane aktivnosti
1.1.	PPVI	Služba za upravljanje razvojem	Najznačajnije strateško-programske aktivnosti u kojim je Služba za upravljanje razvojem aktivno učestvovala su bile priprema Izvještaja o realizaciji Godišnjeg plana implementacije (GPI) za 2017. godinu i Plana implementacije 1+2 za period 2018-2020, te koordinacija u pripremi polugodišnjih i godišnjih planova i izvještaja u suradnji s ORT-om i drugim službama.
1.2.	BFC recertifikacija	Služba za upravljanje razvojem	Općina Bosanska Krupa je početkom godine ušla u postupak BFC recertifikacije. Služba je bila nosilac svih aktivnosti u ovom procesu što je podrazumijevalo: organizaciju sastanaka, koordinaciju u ažuriranju postojećih dokumenata i podataka prema definiranim kriterijama te dostavljanje istih putem elektronske aplikacije. Posjeta evaluatora je bila u mjesecu julu 2018. godine. U periodu august-decembar Služba je koordinirala aktivnosti na prikupljanju, dopuni i izradi nedostajućih dokumenta iz Preliminarnog izvještaja evaluatora.
1.3.	Projekt MEG	Služba za upravljanje razvojem	<p>1.3.1. U periodu januar – mart su se nastavile aktivnosti u procesu procjene u okviru MEG projekta: prikupljanje i dostava podataka i dokumenata. U mjesecu januaru uradjena je samoprocjena. Završna procjena je provedena u mjesecu martu. Ostvareni indikator napretka od 68% je omogućio Općini Bosanska Krupa da povuče maksimalni iznos grant sredstava u vrijednosti od 136.000 CHF. Udruživanjem sredstava UNDP-a i Općine Bosanska Krupa u istom obimu su realizirana dva projekta: Izgradnja interne saobraćajnice u Poslovnoj zoni Pilana i Poboljšanje vodosnabdijevanja na području općine Bosanska Krupa. Ove aktivnosti je pratio imenovani projektni Tim i Služba za komunalne djelatnosti.</p> <p>U mjesecu oktobru 2018. je rađena samoprocjena II ciklusa projekta i nastavljene aktivnosti na pripremi dokumenata za procjenu u januaru 2019.</p> <p>1.3.2. U saradnji sa Službom za obrt i poduzetništvo Služba je za Javni poziv za poticaje poslodavcima pripremila aplikacioni paket i učestvala u procesu odabira korisnika.</p>

			<p>1.3.3. Nakon objavljivanja Rezultata ankete o zadovoljstvu građana javnim uslugama, Služba je sačinila Analizu rezultata mjerenja zadovoljstva građana javnim uslugama dobivenih u anketama provedenim u decembru 2016. godine unutar projekta MEG i u decembru 2017. godine kao aktivnost JLS. Analiza je objavljena na web stranici Općine Bosanska Krupa i prosljeđena putem e-maila svim pružaocima javnih usluga te je traženo mišljenje i prijedlozi za poboljšanje usluga koje pružaju.</p> <p>U mjesecu decembru 2018. su pripremljeni anketni upitnici i dokumentacija za provođenje ankete, koje je započeto u zadnjoj sedmici mjeseca decembra.</p>
			<p>1.3.4. U izvještajnom periodu je Služba bila koordinatar u organizaciji radionica za uposlenike Uprave i njenih partnera, kako u Bosanskoj Krupi, tako i na drugim lokacijama u projektnom području.</p>
1.4	Projekt ILO	Služba za upravljanje razvojem	<p>Projekt je realiziran prema odobrenom akcionom planu. U okviru planiranih aktivnosti izvršena je potpisan sporazum o realizaciji projekta sa partnerima, izvršena nabavka opreme za provođenje praktičnog dijela obuke, proveden je postupak odabira kandidata za I- VI ciklus obuke, pokrenuti postupci za instaliranje centralnog grijanja i ventilacionog sistema u objektu BSC. U mjesecu martu je održana Konferencija „Partnerstvo za zapošljavanje općine Bosanska Krupa doprinosi razvoju radne snage u skladu sa potrebama metalne industrije“, na kojoj su učešće uzeli predstavnici privatnog sektora, Ministarstva obrazovanja USK, MSŠ. Na osnovu zaključaka Konferencije je od strane angažovanih konsultanata urađen Pravilnik o načinu izvođenja praktične nastave u strukovnim školama u USK i Analiza i preporuke za unapređenje modela izvođenja praktične nastave u srednjem stručnom obrazovanju u unsko-sanskom kantonu koji su upućeni Ministarstvu obrazovanja USK uz prijedlog za donošenje.</p> <p>U mjesecu junu je, nakon potpisivanja ugovora, započeo proces nastave u MSŠ i BSC-u.</p> <p>Obzirom da se na I poziv nije prijavio dovoljan broj kandidata, pozivi su ponovljeni još tri puta. Nakon toga su izmijenjeni uslovi poziva i objavljena su tri poziva za certifikaciju za zanimanje zavarivač. U mjesecu decembru je obuka bila privedena kraju.</p>

1.5.	Projekt MOS	Služba za upravljanje razvojem	<p>Tokom 2018. su nastavljene aktivnosti u projektu međuopćinske saradnje u oblasti upravljanja otpadom. Zajedno sa općinama Cazin i Bužim je održano više sastanaka na temu formiranja Centra za upravljanje otpadom.</p> <p>Predstavnica Službe je od strane Ministarstva okoliša imenovana u Radnu grupu koja će pratiti realizaciju projekta Svjetske Banke „Tehnička pomoć za unapređenje integrisanog upravljanja čvrstim otpadom u BiH“ , koji se izvodi uz podršku Švedske agencije za međunarodni razvoj (Sida). U 2018. Godini je održano nekoliko sastanaka i terenskih posjeta u okviru planiranih aktivnosti.</p> <p>Služba je pripremila prijavu projekta na Jedinstvenu listu prioriternih infrastrukturnih projekata u Bosni i Hercegovini u sektoru okoliša. Prema informacijama koje su dostupne službi projekt se nalazi na 2. mjestu na listi kandidiranih projekata.</p>
1.6.	Projekt Parart – Zeleni otoci II	Služba za upravljanje razvojem	Služba je u saradnji sa partnerima iz Hrvatske i Crne Gore, Gradom Bihać i PLOD centrom na otvoreni poziv za Interreg IPA CPC pripremila aplikaciju za projekt Parart – Zeleni otoci II.
1.7.	Projekat WHAM	Služba za upravljanje razvojem	Služba je ispred Općine Bosanska Krupa u saradnji sa USAID i Privrednom komorom USK učestvovala u realizaciji projekta WHAM – podrška privrednim društvima u aktivnostima obuke radne snage, certificiranja i dr.
1.8.	PKI	Služba za upravljanje razvojem	Služba je u periodu oktobar-decembar 2018. godine vodila sve aktivnosti na izradi Programa kapitalnih investicija općine Bosanska Krupa za period 2019-2013
1.9.	Privredni savjet	Služba za upravljanje razvojem	Služba je u periodu oktobar–decembar 2018. godine vodila sve aktivnosti na ponovnoj uspostavi Privrednog savjeta općine u kom periodu su i održana dva sastanka Privrednog savjeta.
2.1.	Organizovanje sajмова	Služba za obrt, poljoprivredu i poduzetništvo	<p>-Sajam organske proizvodnje, juli mjesec u saradnji sa Asocijacijom proizvođača organske hrane USK</p> <p>-Sajam pčelarstva, august mjesec u saradnji sa Uduženjem pčelara „Lipa“ Bosanska Krupa</p>
2.2.	Anketiranje privrednika o uslovima za poslovanje	Služba za obrt, poljoprivredu i poduzetništvo	<p>- Urađen upitnik o mišljenju privrednog sektora o uslovima za poslovanje na lokalnom i nacionalnom nivou i provedeno anketiranje 50 privrednika sa teritorije naše općine</p> <p>- Urađena analiza rezultata istraživanja po provedenom</p>

			<p>anketiranju privrednog sektora o uslovima poslovanja</p> <ul style="list-style-type: none"> - Urađena Analiza kadrovskih potreba privrede sa urađenim procentom i brojem zaposlenih po privrednim granama - Urađena Analiza godišnje ankete stavova privrednika o dostupnosti kvalitetu i cijenama komunalnih usluga, informacija o privrednim društvima izvoznima i zemljama izvoza
3.1.	PROJEKAT MEG	Služba za komunalne djelatnosti, vode, zaštitu okoliša i inspeksijske poslove	Završetak interne saobraćajnice u PZ Pilana

Zaključci:

GENERALNE PREPORUKE su da se:

- *popune upražnjena mjesta unutar Službe za upravljanje razvojem, Službe za komunalne djelatnosti, vode zaštitu okoliša i inspeksijske poslove te Službe za obrt, poljoprivredu i poduzetništvo, prvestveno radna mjesta šefa organizacione jedinice;*
- *osigura svakodnevna i dosljedna primjena PPVI procedura;*
- *uvede redovna praksa tematskih (mjesečnih/kvartalnih) sastanka o implementaciji Strategije;*
- *kontinuirano jača interna i eksterna komunikacija po pitanju implementacije, praćenja i izvještavanja realizacije Strategije;*
- *popunjavanje i redovno ažuriranje PROreg aplikacije;*
- *razvija koordinacija sa partnerskom grupom unapređenjem puteva komunikacije i većim uključenjem civilnog sektora i privrednika;*
- *izvrši revitalizacija partnerske grupe te redovno (periodično) organiziraju konsultacije o godišnjim planovima i ostvarenim rezultatima implementacije Strategije;*
- *osnažuju kapaciteti lokalne uprave i aktera iz užeg i šireg okruženja kako za pisanje projekata, tako i lobiranje i druge oblike privlačenja vanjskih izvora finansiranja implementacije Strategije.*
- *uvede redovna praksa objavljivanja općinskoj web stranici godišnjih planova i izvještaja o realizaciji strateških prioriteta.*